



卷二十七

冕服
衮冕

冕服

十二章之服

大裘而冕

書曰天命有德五服五章哉又曰予欲觀古人之象日

月星辰山龍華蟲作會宗彝藻火粉米黼黻絺繡以五

色作服汝明孔氏曰日月星為三辰宗廟彝尊亦以山龍華蟲為飾火為火字粉若粟米米若聚

典命上公兩已相背命其衣服以九為節侯伯七命其衣服以七

為節周禮典絲凡祭祀共黼畫組就之物

命其衣服以五為節王之三公八命其卿

命及其出封皆加一等其衣服亦如之

皮帛眡小國之君其卿三命其大夫再

命其衣服各眡其命之數侯伯之卿大夫士

書名 禮書一百五十卷 宋刊元修

本宋陳祥道撰
卷二十七
經禮三禮總義
宋
貴重
A259500

東洋文化研究所漢籍目錄 編號: A259500
東洋文化研究所漢籍目錄所藏漢籍善本文影像資料庫 索書號: 貴重-8
漢籍善本文影像資料庫 文本禮書一百五十卷 宋刊元修本
版權所有: 東京大學 東洋文化研究所
使用上の注意事項

彩色首頁1

分類
索書號
編號

撰者
卷

三九七

一成之地包以一洫而已謂其間有洫也同間有澮非
一同之澮包以一澮而已謂其間有澮也成與同地之
廣者也洫與澮溝之大者也於成舉洫於同舉澮亦其
大略云爾春秋之時楚蒍掩爲政井衍沃牧隰臯而小
司徒井其田野則取名於縣都而已觀二百一十國謂
之州五黨亦謂之州方二千五百家謂之遂一夫之間
亦謂之遂王畿謂之縣五鄙亦謂之縣縣都之名豈特
施於采邑哉然則鄉之井也謂之縣都可也
禮書卷第二十六

禮書卷第二十七

廛

廬


餘夫田

賞田

加田

廛

廬



周禮遂人上地中地地下地皆夫一廛載師以廛里任國中
之地又曰宅不毛者有里布詩曰中田有廬疆場有
瓜又曰亟其乘屋孟子曰五畝之宅樹之以桑又曰五
畝之宅樹墻下以桑五母雞二母彘穀梁曰古者公田
為居井竈菑韭盡取焉班固曰井方一里是為九夫八
家共之各受私田百畝公田十畝是為八百八十畝餘
二十畝以為廬舍又曰還廬樹桑菜茹有畦瓜瓠果核
殖於疆場在野曰廬在邑曰里何休曰一夫一婦受田
百畝公田十畝廬舍二畝半九為田一頃十二畝半八
家而九頃共為一井故曰井田 夫一廛者國中之居
也載師以廛里任國中之地所謂在邑曰里是也廬者
田中之居也所謂廬舍二畝半是也 何休范甯通說皆云廬二畝半廬舍三
畝半而廬亦二畝半則五畝之宅合在野在邑言之耳
其在邑則春出於野詩曰亟其乘屋其始播百穀同我
婦子饁彼南畝是也其在野則冬入於邑詩曰我稼既
同上入執宮功嗟我婦子曰為改歲入此室處是也考
之於禮鄉師巡國及野以施惠鄉大夫辨國中之可任
舍者鄉士掌國中之獄則六鄉之民莫不廛里於國中
矣廛里所以莫居而廬舍特其宿息之地而已觀遺人
言十里有廬詩言廬旅莊周言蓬廬則田之有廬亦若
此耳然詩又曰胡取禾三百廛兮楊子曰有田一廛田
亦謂之廛者據一夫所受而統言之也

餘夫田 二十畝

畝	畝	畝	畝
畝	畝	畝	畝
畝	畝	畝	畝
畝	畝	畝	畝

周禮遂人以疆予任謂疆手者民有餘力復予之田若餘夫然上地夫一廛田

百晦菜五十晦餘夫亦如之中地夫一廛田百晦菜百

晦餘夫亦如之下地夫一廛田百晦菜二百晦餘夫亦

如之戶計一夫一婦而賦之田其一戶有數口者餘夫亦受此田也載芟詩曰侯疆侯以有餘夫亦受此田也

曰以疆予任孟子曰餘夫二十五晦班固曰歲耕種者為不易上

田休一歲者為一易中田休二歲者為再易下田農民

戶一人已受田其家衆男為餘夫衆亦以口受田如比

賈公彥以先儒之說與孟子不同謂比餘夫是年二十

九以下夫有妻受口田故二十五晦若三十有妻則受

夫田百晦故鄭注內則云三十受田給征役鄉大夫注

亦云有夫有婦乃成家何休亦云一夫一婦受井田百

晦先王之於民受地雖均百晦然其子弟之衆或食

不足而力有餘則又以餘夫任之此詩所謂侯疆禮所

謂以疆予任也然餘夫之田不過二十五晦以其

家既受田百晦而又以百晦予之則彼力有所不逮矣

故其田四分農夫之一而已禮言上地田百晦中地二

十五晦菜亦二十五晦下地二十五晦菜五十晦則所

謂如之者如田萊之多寡而已非謂餘夫亦受百晦之

田如正農夫也班固謂其家衆男亦以口受田如此鄭

司農謂戶計一夫一婦而賦之餘夫亦受此田其說與

孟子不合賈公彥之徒遂謂餘夫三十有妻者受百晦

二十九已下未有妻者受田二十五晦是附會之論也

賞田



載師賞田任遠郊之地廛里場園官田土田賈田官田年田賞田牧

田十二万家賈公者曰農人相通各受二夫之地受一夫故云半農人遠郊二十而三司勳凡有

功者銘書於王之太常祭於大烝司勳詔之大功司勳

藏其貳掌地之政令政令謂凡賞無常輕重眡功凡頒

賞地三之一食鄭司農曰不以美田為采邑玄謂賞地

唯加田無國正凡賞無常輕重眡功則賞田無多少

之限矣凡頒賞地三之一食則賞田無上中之壤矣賞

田任遠郊遠郊二十而三則賞田非止什一之稅矣鄭

氏謂載師自廛里以至賞田牧田九者通受一夫半農

人焉定田十二万家以謂九者之地亦有不易一易再

易相通而各受一夫九万夫為四万五千加以六鄉七

萬五千夫為十二萬夫此特言其大致然也賞田無上

下之壤庸有不易再易之辨乎古者任地之法常以養

民為重故臺榭不奪墾地而牧馬必在坰野則賞地三

之一食其稅二十而三鄭司農謂不以美田為采邑蓋

以此也後世賞賜常重於養民故春秋之時或子虢公

以酒泉莊二年或子濤塗以虎牢四年或賜公孫免餘以

六十邑莊七年或賜陳桓子以高唐昭十年或賜晉以陽樊温

原攢茅僖二年或賜邢班以門之征文十一年豈先王賞功之意

哉

加田

司勳惟加田無國正加田既賞之又加賜以田所以厚恩也鄭司農三

無正耳賈公者曰加田是加恩厚又不稅入天子凡大夫士賜地有四種大夫
已上有采家邑任稍地之等是也又有賞田及加田圭田是有四種加田無國
証者無稅入天子法其民出稅入主則有之但加田未知
所在或可與賞田同處以其任田近如加田在遠郊可知晉語曰公食貢

大夫食邑士食田庶人食力工商食官皂隸食職官宰
食加官宰家臣也加先王之於功臣也以車服不足以旌之

故有賞田以賞田又不足以稱之故有加田賞田二十而三則有國正矣加田無國止則正於鄉者容有之也何則王制論秀士升於司徒者不征於鄉升於學者不征於司徒則秀士升於司徒者無鄉征周官諸子國有大事則帥國子而致於太子司馬弗正凡國征不及則國子正於太子者無國正又均人言力政有公甸用之法則役於鄉者非公用之也以此推之凡有田里者止於鄉也又正於國加田無國正則正於鄉而已此所以優功也

禮書卷第二十七

禮書卷第二十八

夏貢

商助

周徹

五溝

五涂

夏貢 五十一

